



Studiantenan no tabata bini Boneiru pa diferente motibu.

Mas ku sinku aria pasá e idea a kuminsá krese den nos kabes. I presis sinku aria pasá, dia 22 di febrüari 2007, nos tabata sinta serka Notario Maartense pa hasi e idea aki realidat. Fundashon Ban Boneiru Bèk tabata un echo. Despues di referèndem di 2004 nos a kuminsá pensa tokante e eventual konsekuensianan di un relashon direkto ku Hulanda. Nos a bai mira e kresementu I formashon di e poblashon i a base di esaki nos a hasi un pronóstiko. Loke nos a mira no a hasi nos kontentu. E kresementu di e poblashon no tabata balansá. Hopi di nos studiantenan no tabata regresá, bon profeshonalnan tabata bandoná Boneiru pa buska un mihó futuro den eksterior, penshonadonan no por a regresá pasobra nan no por a haña siguransa pa un sistema di pago i asina tabatin hopi mas opstákulo. Esaki Celia Fernandes Pedra, presidente di Fundashon Ban Boneiru Bèk, a bisa na okashon di selebrashon di promé lustro di e fundashon.

Celia Fernandes Pedra a bisa ku hopi idealismo, bon konfiansa, konosementu i eksperensia di e komunidad boneriano i probablemente ku un dósil di inosensia i inpasensia, a kuminsá ku hopi animo ku e meta. Ku un ofisina na kas ku medionan limitá.

'Pero nos no mester a laga esaki na gobièrnu. E no ta nos tarea. Nos no ta haña ku ta asina. Tur siudadano mester sinti su mes responsabel pa e bienestar di su komunidad, di kiko ku e ta forma parti. Gobièrnu no por hasi tur kos, pero ta bon si pa sostené inisiativanan partikular. I ak nan mi no ta pensa eksplísitamente na sosten finansiero', Celia Fernandes Pedra a trese dilanti.

Celia Fernandes Pedra a sigui bisa ku mishon di Fundashon Ban Boneiru Bèk ta pa un komunidad próspero i kresementu balansá i hendenan ku ta duna un kontribushon duradero.

Si bo lesa esaki, to bo bisa ku tin hende to por ta kontra, pero esei no por ta bèrdat, segun Celia Fernandes Pedra. Pero tòg e realidat tabata otro, e sosten ku nos a spera no a bini di su mes. Nos mester a lucha kontra puntonan di bista kontrario, falta di vishon, kontra tempu i deskonfiansa. I finalmente momentu ku nos a pensa di haña un man finansiero a hasi asina difísil ku nos meta a sufri basta.

Si bo ke kosechá, mester hasi bon preparashon, Celia Fernandes Pedra a bisa. Bo mester plug e tereno, kita yerba, mesora planiá delantá kuantu kosecha bo ke haña i kua planifikashon bo mester tin promé. Bo mester planta bon simia i na e bon sistema i momentu. Mester warda bo tereno kontra insekto i para, pero prinsipalmente bo mester tin konfiansa den bo mes komo agrikultor i den loke bo ta hasi pa haña resultado.

Boneiru ta riba e área di kua nos ta bezig kuné kompará ku e kunuku. Den e sinku añanan ku a pasa nos a pone infrastruktura. Nos a traha nos netwerk, inventarisá e opstákulonnan, tene kòmbersashonnan ku hopi instansia, organisashon i empresa. Nos a duna informashon, papia tokante kondishonnan esensial. Tambe nos a duna krítika si nos tabata haña ku esaki tabata na su lugá. Nos a lesa deklarashonnan, proposishonnan di lei, lei i hopi dokumento i duna nos vishon riba esaki. Nos tin e konfiansa den





Boneiru pa komo un isla ku posibilidat yuda restorá. En korto, nos a plug e kunuku i a plant'é, Celia Fernandes Pedra a trese dilanti.

Awor nos ta bai kuida e kunuku pa asina despues nos haña un bon kosecha, un kosecha di hende ku kurason na e sitio korekto, ku konfiansa propio, ku konosementu di un amor orguyoso di Boneiru, hendenan ku ke duna un kontribushon duradero, Celia Fernandes Pedra a bisa.

Celia Fernandes Pedra a bisa, nos ta sigui bia riba mesun kaminda, ku mesun mishon, profeshonalidat, ku mesun posishon kritiko i danki Dios ku mesun Of mas kolaboradónan boluntario. E hendenan aki a duna nos sosten i ayudo ineksplikabel i kada bia ta konvensí ku nos trabou di bon i nesesario. Hendenan dushi i positivo tantu di Boneiru mes komo djafó.

Fundashon Ban Boneiru Bèk ta sigui ku sinku aria di eksperensia,.e fundashon a hasi fout pero ta siña di nan. A siña strukturá e trabounan, repartí di gruponan di meta a por atendé reto di kada grupo mihó. A pone kontaktonan baloroso ku hendenan ku ta di importansia pa Boneiru. A duna I haña informashon pa asina a amplia e base. E fundashon a kontribuí na proyektonan ku ta importante pa desaroyo duradero di e isla, segun Celia Fernandes Pedra

Un di e prioridatnan di e fundashon, di akuerdo ku Celia Fernandes Pedra, ta institushon di un plataforma pa esnan ku ta regresá e isla. Den e plataforma aki remigrantenan por sostené otro i duna konseho práktiko di asuntunan ku nan ta topa den kaminda momentu ku nan regresá nan isla.

Ami ku mi kasá tin ainda hopi idea i ideal, pero nos ta pensa ku poko poko mester pasa e batuta over. Kada dia" nos ta bira mas bieu, ya nos a kuminsá ku un hóben ku a kaba di regresá den direktiva, nos tin algun boluntario hóben, ku e plataforma ta bolbe bini posibilidatnan nobo. Ban Boneiru Bèk ta keda, esei ta sigur.

Boneiru su progreso, ban pe,', Celia Fernandes Pedra a bisa.

